

羽九

一切人淨故無所起名非名不可得是故人
無底明度無極名無底當作是知

延聖院笠齋寫書

大明度無極經卷第一 羽八

大宋國嘉興府華亭縣海鷗鄉五十保大漕港水南趙府田所居奉

佛弟子丁道元情旨特發心施十界官券壹佰阡入

碛沙延聖院刊印

大明度無極經板第一卷所集

功德報薦

先師長圓明居士寶公尊靈

先考潘細五承事 先妣太君吳氏四娘子

亡妻沈氏 純一 欽女丁氏二十娘同超淨域成就

佛果菩提者

咸淳八年六月

日暮緣僧 偉國謹題

大明度無極經卷第二

吳代月支國優婆塞支謙譯

大明度無極經持品第三

余時諸天無央數同時三歎曰嗚經乎嗚經
乎是尊者善業所說道深矣斯大明弘義如
來所由出矣有聞者學之誦之我敬視之如

如來佛告諸天子誠然昔鋐光如來無所著
正真道寂正覺時有宮宮中有是經我時持
之鋐光佛授我決言若後當爲人中將悉達
佛智作佛名能儒如來無所著正真道寂正
覺三界最尊安定於法中極明號曰天中天
諸天子白佛言少有及者天中天有持大明
者爲受一切智矣時佛在衆中央坐佛告除
餽衆除餽女清信士清信女今是四部爲證
愛欲天梵天無結愛天皆知佛告釋言高士
學斯定持誦其文衆邪不得其便令橫死也
忉利諸天子求佛道者未學誦獲其奧者是
輩天子皆往到是學持誦者所若於空閑僻

隈處亦不恐怖也四天王釋梵及諸天子等各白佛言我當護是學持誦者釋復白佛言難及天中天是明度學者心無動搖悉受六度已佛言然善聽我說上中下語皆善釋言至道亡後所作終不成何以故用是高士學

是經故辟若有藥其名神丹有蛇索食道逢虫物蛇欲啖虫即到神丹藥所蛇聞藥香即還去何以故是藥力所却如是是輩高士其欲害者便自亡還是明度威神力所厭伏也佛言設有其亂者便於彼間自壞不成四天王皆護入經如行者自在所爲所語如甘露

大明度經卷之二
善士當誦惟斯定正使死至若怨在中欲共害者如佛所語終不橫死若兵刃向者不中其身所以然者斯定諸佛神呪中之王矣學是呪者不自念惡不念人惡都無惡念是爲人中之雄自致作佛爲護衆生夫學斯行者疾成佛道是經書已雖不學誦者當持其

卷人鬼毒不能害矣宿命重殃唯斯不除辟如得佛處若人若鬼神禽獸從一面入無能害者何以故用得佛處故其威神護過去現在當來索佛道者皆當於中得佛道人入其處不恐不畏明度所止天人鬼龍皆為作禮恭敬護視用經德尊故釋白佛言若有書持經卷承事供養天寶名華栴檀珍奇香繒蓋幡若有持如來無所着正真道家正覺舍利起塔自歸作礼承事供養天寶華香具足如上其福孰多佛言我問若隨所樂報云何是如來一切知成是身出現於世從何義得對曰從明度義得佛言不用是身舍利得佛也

乃從一切智生得佛身我滅後舍利供養如故若善人書是經學持諷誦自歸作札承事供養具足如前則爲供養一切智已從是經中得功德無比復白佛言闍浮提人民不供養者爲不知是福尊無比耶佛言有幾所人信佛信經信比丘僧釋言信者少耳及求講港頻來不還應儀緣一覺至求佛者復少耳佛言無量人行求佛道至於在不退轉地立者若一若兩耳學是法會成佛當爲作札承事恭敬何以故用曉佛法世少有故過去如來求佛道者皆從是成我時亦在中如來滅度後取舍利起七寶塔盡形壽自歸作札承

四 大明度無極經卷二
事供養天寶華香具悉如前滿四天下若三千大千國土衆生悉得人道各作七寶塔以妓樂樂之復過是如恒邊沙佛刹人人起七寶塔供養劫復劫都是欲界中諸妓樂華香繖蓋皆具如上所說其福德益多不對曰甚多天中天佛言不如書持經卷自歸護之福

出當作是知學持誦是經爲至德悉具足佛言其人終不爲邪毒水火兵刃王法所橫死也何以故是明度所擁護若復有餘事起若至王所及太子傍目所與之相見輒歡喜言笑所以然者以其普慈等濟恕慧群生潤功無量用是故見者悉起立余時有異道人逼

多無量何以故從中出如來一切智故佛言百倍恒邊沙佛刹人皆起七寶塔不在計中如是千萬億無數倍不在明度淨定計中余時四萬天子與釋俱來大會諸天子啓釋言尊者當取誦是經佛言當學當持當誦釋若質涼神興兵欲與忉利天戰其念誦是經質涼神衆即去釋言大尊呢天中天佛言然無輒過去當來今現在十方諸佛皆起是呢自致作佛出十戒功德開士大士從中生佛未出於世時開士悉出說照明四棄四拔苦四事空五通辟如月盛滿時從空中出照明於星開士求功德盛滿如是皆從權德大明中

見佛大會欲壞亂坐衆疾至佛所釋作是念當云何盡我壽在佛邊受誦是法即從佛聞受誦彼異道人遙遠遠天中天一而從彼間道徑去鶩鶩子念是中云何異道人從彼間道徑去心念是佛即知鶩鶩子釋念明度異道人無善意來故弊邪念佛與四部弟子共

坐愛欲天梵天諸天子悉復在中會無異人開士大士受波者會當爲人中之將自致作佛我當往亂之是弊邪乘一轍之車駕四匹馬稍至佛所釋作是念弊邪所乘非國王洴沙非波斯匿非釋種非維耶利四馬車皆不類之正是弊邪所作也邪常晝夜索佛短亂

四 大明度卷二

世人能常持心究竟明度邪便道還忉利迦翼天子持天華在空中立便散佛上四面散而尊歎曰究竟道源明度之謂矣闍浮提人民乃得聞見復持雜華四散佛上曰其有求者守者終不爲邪衆所害也是輩人民福德弘大何況乃學持諷誦用是法住其人前世

已得見佛淨心供養欲一切知得一切智寶當從明度索之佛言然阿難白佛言無舉名布施重戒忍辱精進棄定但舉明度名何以故天中天佛言明度中最尊云何阿難不布施持戒忍辱精進禪定智者當緣爲六度無極一切智乎阿難言唯然天中天不行六行

不爲六度誠非大明度無極一切智之明矣佛言然大明最尊辟如地種散其中同時出生衆生得命如是阿難明度如地五度如種從中生成釋白佛言如來所說善士學持誦明度者功德未竟佛語釋我不說是功德未竟我自說書持經卷承事作札華香名寶雜繒蓋惱功德者耳釋白言我身護視是人佛語釋誦明度者有若干千天到是經師聽經不解義者欲問所疑用慈於經中即自曉了是人作功德悉自見知若於四部弟子中說經時其心無所難若刑殺者終不畏何以故明度所護凶弑者去佛言我不見人當明度

四 大明度卷二

者人亦不見明度明度所厭也無有輕者心
不恐怖無所畏父母重之沙門哀之諸親賢
友愛之或惡事來持忠正法爲解之是善士
所作功德悉自見心當作是知十方無數佛
國諸天人鬼龍質諒神執樂神脣臆行神似
人形神皆至經師所問訊聽受作禮致敬遠
畢各去斯行德使然四天大王忉利天蓋天
堯術天不憍樂天化應聲天梵天梵衆天梵
天約淨天遍淨天淨明天守妙天玄妙天福
德天德純天近際天快見天無結愛天上諸
天子皆往問訊聽受作禮遠竟各去諸無結
愛天尚悉來下在諸天中何況是三千大千
國土諸愛欲無色天子耶彼所處常完堅無
燒者除宿不請餘不能動其功德悉受是時
諸天來當知之釋言云何知天中天佛言是
善士女歡喜時如來已當避去聞鬼神香或
龍鬼神蛇軀神來到聞鬼神香以爲曾知已

當避去當淨身體用清淨故鬼神皆大歡喜
小天見大天來便避去尊天威神巍巍其光
重明稍安徐往尊天入至經所是善士女則
踊躍喜所止處悉當淨住是人病終不着身
所止處常安隱未嘗有惡夢夢中但見佛見
塔聞明度但見諸弟子見極過度見佛坐見
自然經輪見但欲成佛時見諸佛得佛見自
然新經輪見若干開士見六度種種解說是
當作佛見餘佛刹見佛及尊經無與等者其
方刹如來無所着正真道寂正覺弟子衆如
來在其中說經是輩善士夢如是已安隱覺
身體淨潔且輕不復思食自軟美飽若比丘
得定自定覺心軟不思食身軟美飽如是何
以故鬼神不敢近是欲取佛者

大明度無極經功德品第四

復次帝釋是天下如來舍利滿中施與有持
智度無極書施與余取何所釋言我取智度
何以故我不敢不敬舍利天中天舍利由斯

明度出天人所尊矣如我與諸天共座坐持異牀我未至諸天子爲坐作礼遶已去是坐尊故吾於斯受經諸天於彼爲礼如是天中天明度出如來無所着正真道寂正覺之舍利一切智從中生身用是故兩分中取明度正使三千大千國土滿中舍利爲一分明度

書爲二分取書何以故從中出舍利供養所致辭若負債人與國王參正無復問者亦無所畏何以故在王邊有力故也辭若無價明月珠有是寶者其德無等所着處鬼神不得其便不爲所中若士女持明月珠所着鬼神即去若中熱風寒持明月珠着身熱風寒皆除去夜着冥中即明熱涼寒溫衆毒向已持珠示之諸毒即滅如是天中天明月珠尊若人目痛寘近之即愈其德巍巍在着何所便隨珠色正使持若干種繒裹珠着水中水故如珠色水濁即爲清是珠德無比阿難問釋云何獨彼有珠耶斯土亦有乎釋言亦有不

定足言如我所說者異天下寶輕不如彼德尊珠百千萬億倍若以着篋函中其明徹出來滅度後是一切智舍利遍布供養如故置是三千大千國土滿中如來舍利正使如恒邊沙佛刹滿中舍利爲一分是經爲一分我

大明度經二

於兩分取是經佛語釋過去如來皆從中出自致成佛尊當來及十方無數佛刹現在諸佛亦從中出爲人中將自致成釋言一切衆生心所求如來從明度悉了知佛言用是故開士大士晝夜求明度釋言惟求大明不求餘度平佛言六度無極皆求開士布施持戒忍辱精進一心分諸經不及求明度辭如是天下種樹若干色種種葉華實各異其影無異影影相類如是五度從明度出一切智種種相成無異釋白佛言景明德尊其爲難等矣天中天若有書是經承事供養華香繒蓋幡若復授與人其福孰多釋言自供養復分

與人其福大多佛言如是書經供養華香衆寶名繒蓋幡若有書經供養復分與人其福無量經師所處輒說本淨其福甚多復次一天下人皆令持十戒置是四天下復置小國中國二千三千大國土如恒沙佛刹人民皆令持十戒其福寧多不對曰甚多天中天佛言不如書持是經分與人使書學之其福倍多置上十戒皆令作四棄四拔苦四事空及五通皆成得云何其福寧轉倍多不對曰甚多天中天佛言不如是書經卷與人使書若爲讀其福倍多復次學解中慧其福甚多釋白佛言云何學明度解中慧佛言有當來善士欲得無上正真道取正覺樂學明度惡友教學未知何等爲未知佛言來世比丘得經欲學惡友教之五陰無常學五陰無常求作新學失大明獲未知佛言求者不壞五陰無常視何以故本無故如斯當爲景明之學其福無度復次一天下人皆令得溝港頻來不

還應儀緣一覺道皆令成就又如恒沙佛刹人民皆求無上正真道福不如得淨定廣說義所以然者皆由斯定得一切智十二經德皆由斯學成佛無盡佛出即生溝港頻來不還應儀緣一覺并發意求佛獲斯定者福最尊矣若有善願欲疾作佛以經施之令成大明度至二

士得斯定者其福難盡釋白佛言如是天中天極安隱是開士大士疾近佛用是故受其福轉倍多何以故其得是法疾近佛坐善業語釋言善哉當作是解開士受淨定疾得作佛所作行當如淨不得景定不得作佛八在所問

大明度無極經變謀明慧品第五

余時慈氏開士語善業有開士大士代歡喜寂尊分德法雖或布施持戒所守分德法尊無蓋德被無表善業言當從是代歡喜分德之法何以故十方無量佛刹一一刹土不可計數滅度以是本所起無上正真道取正覺

及自致滅度處其功德極度所致之德諸弟子所作布施持戒守法分德彼德最尊過無所着功德都天中天持戒身定慧身無所累礙身度知見身安隱大慈不可具計經中所學諸功德都計合積之代歡喜得福尊無蓋以斯喜行用求無上正真道心念言持是

施與我作無上正真道當作是行求心已來悉遠得之慈氏語善業作是求已來者不逮得作是施者善業言有不施者當從何得亦無所守從何出生若意悔還爲隨四顛倒所施與無常謂常苦謂樂空謂實無身謂有身意悔還所信還持是心佛作是施與作無上

九

正真道慈氏語善業新學士女不當於前解慧也何以故其所信樂所造德本恐亡還當爲不退轉說之若在善友邊久者解說之是人不懼者也如是代歡喜極尊持是施與作一切智持是心作是施與代歡喜是心盡滅無處不可見何心作是施與得無上正真道

用大明度金二

何心是心心無兩對心無身當作何施與乎釋言恐新學士或怖而志還云何作功德施與最尊代歡喜云何以作施與得無上正真道善業言斯士開士大士悉具足供養諸佛破壞衆惡以等行如一降伏邪黨棄捐重擔所有福德罪垢都寂戒定慧解脫度知見所

願已獲十方無數刹土有滅記者所作分德其尊無上何因開士不悔心想云何不悔心無所想持是施與作上行者正使是心念自了知之作是曹想不悔心想如悔所喜悔正使心念復了知是心作是爲想悔心悔喜悔正使開士持其心了知作是爲想覺持何等

施與持何所心了知作是覺持何等施與持何所心了知是心諸法何所法持是施與爲等與不及作是施諸過去當來今現在佛所有功德及弟子未得道者天龍鬼神諸聞經初發心學者都合積累代喜最尊矣持是分德復知是法盡滅無處亦無法作是施與無

想悔無心悔無喜悔作是衆所不逮是爲無上正真道施與他有分德不諦明之不作是施與何故所致無所有代喜分德亦空開士作此明之諸佛所滅度者持所施與功德使我悉得之如一作是知所行作無上正真道是所作不在想過去所知盡滅想無虜想作

念得作是想非施與也不作是想爲施與當作是學開士大士權德當於是中索之未得明度不得入是法中所持分德中無得作是聽身識是有德之人有想便着反欲苦住如來無所着正真道取正覺不樂持施與持施與見虛空何以故極大得滅訖視佛有想者

利大明度經二

十

爲礙施是與大遠不當作是遠如來施與當諦何以故雜毒雜病故作是施辟作美飯雜毒着中色好甚香無不喜者不知飯中有毒愚人食之歡喜飽滿其食欲消時必危身命矣夫不知取施之義者不曉將護兩礙之難必如毒飯之說也若高士欲施當如往古來

今諸佛持戒身定身慧身解脫身度知見所現慧身及諸弟子於中所作功德是所佛緣一覺施與持是功德都代歡喜施與以作無上正真道持是想施與時悔謂之有用是故辭如雜毒飯如其有德之人當作是覺知過去當來今現在佛云何施與何因成就出無

上正真道隨如來教持是施與知所作功德生時身相經所得了知成時我作是代歡喜自致佛道無過也終不離如來法不雜毒也當作是施與如戒如定如慧如解脫如度知見慧所現身無欲虜無色虜無空虜亦無性古來今從中來者辟若無所有是所施與諸

法亦無所有是爲成施與中無毒也若作異施爲行反施唯開士所施是法若佛皆更知作是施自致作佛今我施已作無上正真道佛言善哉善哉善業所作如佛又三千大國土人皆使念四等心不如上施其尊無蓋也復次三千大國人皆作無上正真道使如恒

利大明度經二

十一

沙佛刹人共供養之震越衣服飯食牀卧病瘦醫藥所事具足如恒沙劫隨恣所樂云何其福寧多不善業言甚多天中天佛言代喜功德福過其上善業言功德如恒沙佛刹不能受也佛言善哉善哉持明度者是所施與乃從本來福出其上余時四天王與二萬天子以頭面着佛足即白佛言弘慈普施明權德化巍巍無蓋乃至於斯乎何以故學明度開士大士所勸樂故忉利天塗天兜術天不憍樂天化應聲天諸天子各以寶樹名華雜香以散佛上繒蓋幡天伎衆樂歡心貢佛而歎曰極大施與天中天大士權德乃作是施學明度德大士所勸樂梵天梵衆天梵輔天大梵天水行天水微天無量水天水音天約淨天遍淨天淨明天守妙天玄妙天福德天德純天近際天快見天無結愛天諸天子皆以頭面着佛足作是言開士學明三界希有佛告諸天子置是三千大國土中人皆作無

上正真道者更復異恒沙佛刹人都共供養是輩開士大士具隨所喜復過是者不及代歡喜施與三世佛天中天持戒身定身慧身解脫身度知見身及諸弟子在中作功德者都積累合會雖余代喜過上善業問言從中何得佛言求開士道有德人皆知往古來今法無取無施無想無見從是如中無所出生法無盡法心無往來法我作是代喜施疾得無上正真道復次於三世佛所作布施持戒忍辱精進一心明慧代勸喜無所罣礙法未來未成亦無所罣礙十方無數佛刹現在者諸法不著不縛不脫以是法作無上正真道是代喜施無能過者無能壞之如恒沙佛刹開士壽劫亦然使彼人供養余所開士大士具足如彼多劫如戒忍辱精進棄定法乃作是布施代歡喜德尊出其上無量之計地獄品第六

鶩鷇子白佛言明度道弘普入景慧天中天

甲二

十三

自歸明度無極天中天行寂無穢去冥示明
巍巍至尊無不成就天中天無自感者授道
慧明無生無滅苦者得安悉入無想明度慧
門大士之母拔生死根大神已足三合十二
轉明度天中天開士大士當云何於中立天
中天佛言敬明度當如敬佛於中立自歸當
如自歸佛釋心念鷲鷺子比丘何因發是問
則報之曰是明度護於開士代歡喜功德施
與無上正真道之恩也若有布施持戒忍辱
精進禪定皆不若辭人生墮地盲若士衆之
行無前導者欲有所至不知行夫五度如盲
者開士離明度欲入一切智中不知所行明
度將護五度與目與名鷲鷺子白佛言云何
入明度中守佛言觀五陰無從生滅見五陰
無生滅處明度亦然又白佛言作是守者爲
逮何法曰逮無所逮法無所逮法名曰明度
釋白佛言明度不違一切智耶佛言不作是
逮者無所著無名無識釋問復當云何違佛

言如無所逮故能逮釋言少有及者天中天
無如明度諸法無生無滅善業白佛言開士
作是念者離明度佛言明度空無所有是故
不遠不近不成不壞問曰信此爲信何法佛
言爲不信五陰不信溝港頻來不還應儀緣
一覺善業言大明度是開士法佛問何緣知
第 大明度至二
大明度爲開士明度乎對曰五陰不大不小
不退不亂如來一切智有十種力不強不弱
不退不亂何以故不退不亂一切智不廣不
狹天中天若有是念想爲不求大明非大明
威神欲度衆生是爲着何以故人本無大明
度亦無人不壞明度義然人所出生乃如來
現力如是鷲鷺子白佛言若有信是法者不
疑者其人從何來生於道已來幾時乃得解
中義教佛言從他方佛刹來生已問其義聞
即恭敬視師如佛念曰吾已見佛矣善業白
言明度可得聞見不曰不可得見也開士求
佛已來幾何時明隨此法佛言非一輩學也

各有本行或前供養若干千佛具持經戒未時聞斯定棄而不敬來世佛所聞當復棄去佛言其人自隨身意受愚癡心自用以斯罪自弊聞人說明度復止之止此者爲止一切智爲止往古來今將導明眼矣以斯愚罪斷於經法輕傷應儀受不信之道死入無擇獄

其歲難算勤苦毒痛不可具言天地壞時當適他方大地獄中展轉三塗劫數無量驚驚子白佛言其罪等於五逆微喻之耳佛言其罪難爲辭喻是明度學誦時若有心念非如來所說止人學者自壞復壞人自飲毒復飲人是輩人自忘不曉明度復誤他人學士無見斯人坐起言語通好飲食也何以故斯是經故斯人自在冥中復投人於冥中其人自飲毒煞身無異也斷經之愚人信其言罪苦等矣誹謗明度爲謗十二部經也鴉鷺子言佛未說謗斷經罪入太山其形類受身大小願哀釋之佛言無問聞之必恐中熱沸血由

面七孔憂焦損命猶折華着于盛日萎枯而喪愚夫死然也其身長大醜惡臭虧無不惡見吾難說彼毀尊法人處地獄中所受形類也又白佛言願說其罪令末世人敬奉明法畏慎不犯謗斷經罪重痛如彼佛言以示人大明後世聞者誹謗得罪在地獄中苦痛無

羽

十三

期其罪可知矣善業白佛言善人常當護身口意行夫謗明法乃致斯罪佛言癡人於我法中作沙門誹謗明度言非正斷者爲止一切智十二部經爲斷三世諸佛道爲斷比丘僧者受恒沙劫罪善業問誹謗斷經者凡用幾事佛告斯士女無戒爲邪所中故不樂深經以斯二事斷明度矣又用四事一者隨惡師言二者不以順學三者不承開士法四者主行謗斷經法好索人短以自貢高是爲四事善業白佛言不觀深歸少有信者世尊曰然重問何緣少信佛佛言往古來今五陰不着不縛不脫所以然者以其無形明度義然

故少信者矣

監造書

延聖院比丘惟勉惟嚴謹將先師成功德上存日置到田歲收花利
刊雕此經跋功德還薦 聲靈者

咸淳七年十月 日歲司

謹題

大明度無極經卷第二

羽九

大明度無極經卷第三

羽十

大明度無極經清淨品第七

吳代月支國優婆塞支謹譯

善業白佛言少曉明度無極未狎習者佛言
五陰清淨道清淨道清淨五陰亦清淨適等
無異五陰清淨一切智清淨五
陰亦清淨等無異今不斷前亦不斷後今不
壞前亦不壞後今正等無異鷲鷲子白佛言
甚深清淨天中天佛言清淨鷲鷲子言極明
虛無無瑕穢無所有無不遍無生欲無色想
清淨天中天佛言清淨矣又曰五陰清淨天
中天佛言不知不隨不想清淨矣又曰一切

智明度不增不減何以故無所有經護清淨
佛言清淨矣善業白佛言意清淨五陰清淨
五陰清淨意亦清淨天中天佛言本清淨矣
一切智清淨道亦清淨佛言本清淨矣五陰
無邊意亦無有邊佛言本清淨矣大士明照
其源其故明度本清淨不在彼不在此不在
中本清淨矣善業白佛言開士有想便離明
度遠佛言善哉如余言有名想便着曰難及
天中天是明度如來安濟群生說是於着鷲
鷲子問善業何所為着答曰念五陰空着念
徃古來今皆着釋問善業何因着答曰心想
念施與無土正真道心無當何等施是善人
勸樂教人於本空如是無過如佛所教出於
諸着中去佛言善教汝爲開士大士本空不
着復次若有深着想念如來隨所想便爲着
徃古來今佛無所着法代歡喜以施作無上
正真道者法無徃古來今一切不得有施想
無念無見無聞無心不念心對曰甚深天中